

Na osnovu člana 4. Odluke o utvrđivanju postupka i kriterija za dodjelu finansijskih sredstava u svrhu realizacije manifestacija iz kulture u okviru "Ljeta u Tuzli" ("Službeni glasnik Grada Tuzla", broj 5/15), Služba za razvoj, poduzetništvo i društvene djelatnosti Grada Tuzla, dana 27.5.2015. objavljuje:

**JAVNI POZIV**  
**za dodjelu finansijskih sredstava u svrhu realizacije manifestacija**  
**iz kulture u okviru "Ljeta u Tuzli"**

Služba za razvoj, poduzetništvo i društvene djelatnosti Grada Tuzla poziva sve organizacije civilnog društva, koje su registrovane u Tuzli i javne ustanove kulture kojima je Grad Tuzla osnivač/suosnivač (u daljem tekstu aplikanti) da dostave prijedloge manifestacija iz kulture za realizaciju manifestacije „Ljeto u Tuzli“ i to iz:

- pozorišne, muzičke i plesne djelatnosti;
- likovne djelatnosti;
- tradicijske kulture i kulturno-umjetničkog amaterizma;
- filmske i audiovizualne djelatnosti;
- književne djelatnosti;
- urbane kulture i kulture mladih;
- međunarodne kulturne saradnje.

Finansijska sredstva u svrhu realizacije manifestacija iz kulture u okviru "Ljeta u Tuzli", predviđena su u Budžetu Grada Tuzla za 2015. godinu, na poziciji "Grant za kulturnu manifestaciju- Ljeto u Tuzli" u iznosu od 40.000,00 KM.

Grad Tuzla zadržava pravo da ne dodijeli sva dostupna finansijska sredstva.

Namjenskim budžetskim sredstvima Grada Tuzla zainteresovani aplikanti mogu realizovati manifestaciju kojom apliciraju a dio sredstava mogu osigurati od drugih donatora.

Po Javnom pozivu, isti aplikant može aplicirati sa maksimalno tri manifestacije pri čemu dostavlja tri odvojene prijave na javni poziv.

Po apliciranoj manifestaciji iz kulture se maksimalno može dodijeliti 2.000,00 KM.

Odobrenim budžetskim sredstvima aplikanti mogu finansirati administrativne troškove i troškove osoblja u maksimalnom iznosu od 20%, dok preostali dio od 80%, aplikanti su dužni realizovati za programske aktivnosti podržavane manifestacije.

Pravo na dodjelu finansijskih sredstava mogu ostvariti aplikanti koje ispunjavaju sljedeće uslove:

- da su osnovani i registrovani u Tuzli,
- da su vođeni od strane državljana Bosne i Hercegovine,
- da ne obavljaju aktivnosti u ime političkih partija,
- da se radi o manifestacijama iz kulture čije se aktivnosti završavaju do 30.9. tekuće godine i da se realizuju na području centra grada Tuzla (kompleks Slana Banja, Soni trg, Trg slobode, Trg kod Ismeta i Meše, Gradski park), te u prostorijama javnih ustanova kulture kojima je osnivač ili suosnivač Grad Tuzla.

Prijava na Javni poziv podnosi se propisanom prijavnim obrascu koji se zajedno sa Javnim oglasom objavljuje na oglasnoj tabli Grada Tuzla i web stranici Grada ([www.tuzla.ba](http://www.tuzla.ba)).

Uz prijavni obrazac, aplikant je obavezan da dostavi i sljedeće dokumente:

1. prijedlog manifestacije, potpisan od strane odgovorne osobe aplikanta, koji treba sadržavati sljedeće podatke: kratke informacije o aplikantu; naziv manifestacije; kratak opis manifestacije (najviše dvije stranice kucanog teksta); broj učesnika manifestacije,
2. finansijski plan za realizaciju manifestacije potpisan od strane odgovorne osobe aplikanta (pregled budžeta manifestacije i plan potrošnje sa specifikacijom troškova i potrebnih sredstava),
3. podatke o osobama koje realizuju manifestaciju (kraći CV),

4. pregled manifestacija, programa ili projekata iz kulture koje je aplikant realizovao u prethodne tri godine, potpisan od strane odgovorne osobe aplikanta ili izjava potpisana od strane odgovorne osobe aplikanta, da se radi o aplikantu koji nije ranije učestvovao u okviru manifestacije „Ljeta u Tuzli“,
5. fotokopiju rješenja o registraciji,
6. fotokopiju identifikacijskog broja,
7. broj bankovnog računa, naziv nosioca računa (aplikanta), naziv banke,
8. potpisanu izjavu odgovorne osobe aplikanta da nema neizmirenih obaveza prema javnim prihodima,
9. fotokopiju završnog godišnjeg finansijskog izvještaja za prethodnu godinu (dokument Bilans stanja i Bilans uspjeha) (osim u slučaju ako je organizacija civilnog društva registrovana u tekućoj godini),
10. narativni i finansijski izvještaj o prethodnoj manifestaciji koju je realizovao u okviru „Ljeta u Tuzli“ (ukoliko aplikant nije već prethodno opravdao korištenje istih ili izjava potpisana od strane odgovorne osobe aplikanta da se radi o aplikantu koji nije ranije učestvovao u okviru manifestacije „Ljeta u Tuzli“).

Prijave sa potrebnom dokumentacijom aplikanti trebaju dostaviti u zatvorenoj koverti putem protokola Grada Tuzla (Centar za pružanje usluga građanima) ili poštom na adresu:

**GRAD TUZLA**  
**Služba za razvoj, poduzetništvo i društvene djelatnosti**  
**Ulica ZAVNOBIH-a broj 11**  
**75000 Tuzla**  
**sa obaveznom naznakom:**  
**“prijava na Javni poziv za dodjelu finansijskih sredstava u svrhu realizacije**  
**manifestacija iz kulture u okviru “Ljeta u Tuzli”- ne otvarati“**

Javni poziv je otvoren 15 dana od dana objavljivanja (zaključno sa 11. 6. 2015.)

Projektne prijedlozi sa nepotpunom dokumentacijom i dostavljeni izvan naznačenog roka, neće se uzeti u razmatranje.

Sve dodatne informacije o načinu i postupku učešća u Javnom pozivu mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona 035 307 383; 307 317.

Program raspodjele finansijskih sredstava biti će objavljen na web stranici Grada Tuzla ([www.tuzla.ba](http://www.tuzla.ba)) a aplikanti čiji projekti nisu uvršteni u Program raspodjele o tome će biti pismeno obaviješteni u roku od 30 dana od dana zatvaranja Javnog poziva.